



Ek wil asb inteken op Verskil / Kanselleer asb my intekening op Verskil

- ❖ **Kontak ons by** tel 012-440 6525; e-pos: hermien@noordsin.co.za of kom **besoek ons by** Sinodehuis, Steve Bikostraat 125 (B), Sunnyside.
- ❖ **Noordelike Sinode se facebook** (<http://www.facebook.com/noordsin>) en **twitter** (<http://www.twitter.com/noordsin>)
- ❖ **Kampterreine:**
 - **Badseloop:** *Vir besprekings, kontak Francois Genis, 071 777 9302, epos badseloopjeugkamp@gmail.com*
 - **Emmarentia Geldenhuys (AcaDeo):** *nuwe webwerf: www.egst.co.za*
 - **Magaliesberg: Willem Rautenbach** - 0717916039 of magaliesbergjeugkamp@gmail.com of Facebook by <https://www.facebook.com/magaliesbergjeugkamp/>

23 Maart 2018
Nr 10/2018



Warm nuus!

❖ Verklaring van die moderamen van die NG Kerk oor gelowiges se roeping in Suid-Afrika

Die Algemene Sinodale Vergadering het tydens **12-14 Maart 2018** by Emseni, Kemptonpark plaasgevind.

Gustav Claassen (Algemene Sekretaris) skryf die volgende:

“Daar is oor heelwat sake van belang gesels, soos onder andere die talle berigte van korrupsie, magismisbruik, swak bestuur deur die regering, morele verval uit verskeie oorde en die uitsprake van die Openbare Beskermer. Na aanleiding van hierdie besprekings het die Moderatuur genoodsaak gevoel om die meegaande verklaring oor gelowiges se roeping in Suid-Afrika uit te reik”. [\[Lees die verklaring hier...\]](#)

❖ Behuising vir selfstandige bejaardes bo 60 – sou jy belangstel?

'n **Lewensvatbaarheidsstudie** word tans gedoen om **Rusoord Ouetehuis** op Bela-Bela (Warmbad) uit te brei na **AcaDeo Kampterrein** (voorheen Emmarentia Geldenhuys Sending Sentrum).

Die uitbreiding het ten doel om een- en twee slaapkamer woonstelle aan selfstandige bejaardes bo 60 beskikbaar te stel op 'n huur basis.

Sou jy belangstel of weet van iemand wat sou belangstel? [\[Lees dan hier verder...\]](#)

Sperdatum vir terugvoer: 30 Maart 2018



❖ Jakaranda Kinderhuis: Dringende oproep vir betrokkenheid van gemeentes

Drian Viljoen [Kameeldrif] skryf soos volg:



“Ons is opsoek na gemeentes wat moontlik betrokke kan raak by Jakaranda Kinderhuis op 'n maandelikse basis. Die behoefte aan ondersteuning vir individuele huise is groot. Daar is tans drie huise (uit twintig) sonder gemeentes wat hul maandeliks ondersteun.

Ondersteuning is uiteraard grootliks finansiële van aard vir onder andere die aankoop van kos; skoolgoedere en vele meer. Sonder gemeentes wat die huise ondersteun is die las baie groot op onderskeidelik die huisouers en uiteraard die kinders self.

Ons verneem dat nie almal die kinderhuis se uitleg en opset verstaan nie en nooi daarom enige gemeente uit wat belangstel om met my (084 608 2859) te skakel vir meer inligting”.

Sinodale nuus

❖ Bybel-lees met 'n verskil

Die volgende byeenkoms vind om 11:00 by **Blue Crane Restaurant** plaas:

** **27 Maart 2018: Skriflesing: 1 Kor 1:18-25**

Navrae: Fanie Cronje (083 415 1452) en Kobus Myburgh (083 227 7185)

❖ Skoliekamp: Graad 11 & 12

Sinodes Noord en Oos vat hande: 2-8 April 2018:

Die tyd raak min!! Skryf nou in!!

- **Vir inligting oor die kamp** en die **kampterrein**, besoek: <http://www.skolliekampe.org.za/>; Skolliekamp 2018 Mpumalanga / Gauteng en Kruisrivier Kampterrein.



❖ #IMAGINE nuwe fees in die Noorde!

Registrasie vir hierdie jaar se #imagine jeugfees is reeds aan die gang. Hierdie jaar word daar 'n nuwe fees by **Zwartkloof**, Bela-Bela gehou – dis lekker naby vir almal in die Noorde. Die laaste naweek in die skoolvakansie, van **6-8 April 2018** hoop ons om 2500 tieners van regoor die noorde van die land bymekaar te kry om ons identiteit in Christus te vier en ons geroepenheid in ons gemeenskappe te bevestig. #Imagine is 'n wonderlike kans om tieners bloot te stel aan die groter kerk en hulle te inspireer om 'n verskil in hierdie land te maak.

- **Individuele kaartjies en groepsbesprekingsvorms** is beskikbaar by itickets.co.za, of info@imaginemovement.co.za
- **Vir navrae**, kontak gerus vir *Fouché de Wet*, NG Stellastraat, 073 234 0156, fouche@stellastraat.co.za

Kolleganus

❖ Innige simpatie:

Gerrie Strydom [Florandia] se ma, Santjie Strydom (eggenote van wyle ds AV Strydom, vroeër van o.a. Groenkloof en Ermelo), is op 91 oorlede.

❖ Bevestiging

Johan (JA) Burger het die beroep na **Wonderboom-Suid** aanvaar. Sy bevestiging en intrepreek vind op **8 April 2018** om 10:00 plaas.

❖ Verjaarsdagwense *Hartlik geluk aan die volgende persone met die herdenking van hul geboortedag:*

- 25/03 Deon Strauss [Rustenburg-Proteapark, 083 627 5085, d.strauss@mweb.co.za]
 27/03 Deon Groenewald [Renosterpoort, 083 642 9389, groenghoen@lantic.net]
 29/03 Willem Pelsler [Roedtan, 083 276 5141, dswillem@ngroedtan.co.za]
 Willem Pretorius [Rustenburg-Proteapark, 073 529 6075, willempretorius12@gmail.com]
 30/03 Jaco Strydom [Villieria, 084 477 7123, jaco@echoyouth.org.za]
 Werner Burger [Elandsrand, 079 566 9185, burger.s.werner@gmail.com]
- *****
- 26/03 Siebert Wiid [Kameeldrif, 012-544 1300, liesel@krause.co.za]
 Jessica Pretorius [Rustenburg-Proteapark, 073 529 6075, willempretorius12@gmail.com]
 27/03 Wilhelm van Niekerk [Pretoria-Oos, 012-329 3095, marinda@pen.org.za]
 30/03 Sulia Boshoff [Queenswood, 012-804 1995, kakiebos62@gmail.com]
 31/03 Peet van Eeden [Lynnwood, 012-348 1982, faycve@gmail.com]

Gemeente nuus

❖ **Verjaarsdae: Baie geluk!**

Raslouw [Gestig: 31/03/1976]

SA Gemeente [Gestig 25/03/1994]

❖ **Florauna: Oorwinningsfees** waartydens **Jesus se lydensweg herdenk word** - *Met 'n treinrit, stop mens by stasies en ervaar die uniekheid van elke stasie. Met Jesus se kruisstasies is mens óók op reis en ervaar jy iets van Jesus se lydenspad, van Getsemané tot by Sy opstanding.*

Jy gaan self besluit hoe lank jy by elke stasie wil vertoef, watter van die Bybel gedeeltes jy wil lees en aan watter aktiwiteite jy wil deelneem – Plant 'n saadjie; slaan 'n spyker in 'n kruis; Proe die asyn en beleef iets van Christus se liefde en genade vir jou.

Kruisstasies (Ingang gratis): **22—23 Maart:** 09:00—19:00 / **24 Maart:** 09:00—14:00 / **25 Maart:** 09:00—12:00 / **30 Maart:** 09:00—17:00 / **1 April:** 08:00—12:00.

Navrae: Kontak die Kerkkantoor soggens by 012 565 5724 vir verdere inligting.

Adres: Berglaan 685, Florauna.

❖ **Waterkloof: Sewe Sterwende Stemme**

Die Sewe Laaste Woorde van ons Verlosser aan die Kruis” – Franz Josef Haydn

'n Keur prosa uit die fiksie van *Karel Schoeman*

Strykkwartet *Evolution of 4:* Johanna Roos en Ané van Staden (viole), Valery Andreev (altviool) en Jessica Bailey (tjello); Cas Wepener – Leser

Datum: **25 Maart 2018** [16:00]

Kaartjies: R100 p/p [kaartjies is by die deur te koop]

Adres: Deystraat, Waterkloof.

❖ **Universiteitsoord: Musiek vir die Lydenstyd**

Datum: Donderdag **29 Maart 2018** om 19:00

Wim Viljoen (orrel), Alna Smit (sopraan), Rassie Smit (tjello) en Anneli Roux (fluit) speel Lydensmusiek deur oa Bach, Caccini, Jenkins, Dupré, Mans en Jan Zwart.

Toegang: Gratis!

Kontak Alida by 012 362 0664 vir meer inligting.

Ander nuus

❖ **Hospivision: CPD Course - Ethics in Practice: Staying Ethically Awake with Good Record Keeping of our Client's Story**

Date: **21 April 2018** in Pretoria

Where: *DR Lynnwood Church, 439 Sussex lane, Lynnwood: registration 9.00. Workshop 9.30 – 12.45 (15 min coffee break in between).*

Theme: Ethics in Practice: Staying Ethically Awake with Good Record Keeping of our Client's Story - *Presented by Janine Kendall (Counseling Psychologist: Senior Lecturer at Pearson Institute)*

Costs: R800. 3 Ethics CPD points pending (HPCSA: Medical and psychology (6 ethics points); SACSSP; SAAP/CSPC; DRC Ministers).

Contact June Kriel if you need to clarify any information. Tel 012 329 9492. / Email friend@hospivision.org.za

❖ **Greyton feesvieringe: Uitnodiging aan oud-lidmate...**

Greyton NG Kerk in die Overberg in die Wes-Kaap vier vanjaar sy **100-jarige** bestaan gedurende **21-23 September 2018**.



❖ **Nuusbriewe**

- **Bybel-Media nuus** [Besook www.bybelmedia.org.za] – **Liedboek Standaard** en **Liedboek Grootdruk** is herdruk en nou weer beskikbaar! So ook die **Jaarboek 2018** [[Lees hier verder...](#)]

• CLF-nuus: Naamdraers van Jesus – Wellington se donkies

Vir dekades al word na hulle as die Donkies van Wellington verwys. Vir die sendingstudente was en is dit 'n ere naam. Die ontstaan van die naam Donkie vir 'n sendingstudent aan die destydse Wellingtonse Sendinginstituut kom uit die beginjare van die "Boeren Zending School". By die opening van die skool in 1903 het prof. John Murray onder andere van die studente gesê dat hulle "zich aanbieden zullen om den naam van Christus te dragen voor de heidenen in ver verwijderde deelen van Afrika." Toe die Wellingtonse sendingstudente daarna aan 'n naam begin dink, het dr. Andrew Murray met die naam "Donkie" vorendag gekom na aanleiding van Jesus se intog in Jerusalem op die rug van 'n donkie. So sou die donkie die sendeling as draer van Jesus se naam en die evangelie voorstel. *Naamdraers van Jesus* vertel die verhaal van die 567 Donkies wat in die loop van 85 jaar by die Sendinginstituut gestudeer het. Hulle het die naam van Christus en die evangelie oor grense heen met ongeëwenaarde ywer gedra. In die kerkgeskiedenis sal hulle altyd bekendstaan as die toegewyde naamdraers van Jesus.



Kontak CLF by +2721 873 6964, epos info@clf.co.za of besoek ons webwerf www.clf.co.za.

Gebedslys

Hiermee 'n vriendelike uitnodiging aan ons lesers om enige sake vir voorbidding aan ons te stuur by hermien@noordsin.co.za.

- Dankie vir goeie reën.
- Palmsondag en Heilige Week.
- Plekke waar dit steeds baie droog is.

Vakatures, aflosposte en aflos-aanbiedinge

❖ UP Fakulteit Teologie: Gelegitimeerde proponente 2017

- ❖ **Jeanri Bezuidenhout** [074 893 2836, jeanri.bez@gmail.com]
- ❖ **Camille Castelyn** [079 506 5117, camillecastelyn@gmail.com]
- ❖ **Willie Griesel** [083 491 0657, wjgriesel@gmail.com]
- ❖ **Johan Koen** [082 393 2944, koenj@yahoo.com]
- ❖ **Henk Kotzé** [083 479 9411, hskotze@yahoo.com]
- ❖ **Christian Oberholzer** [082 349 7317, Lnet@telkomsa.net]
- ❖ **Marius Schoombie** [083 635 1523, mariusschoombie@gmail.com]
- ❖ **Werner Smal** [079 883 2729, wernersmal777@gmail.com]
- ❖ **Adelle van Rhyn** [082 881 9788, dellatjie777@gmail.com]
- ❖ **Francois van Tonder** [073 179 0017, francoisv3@gmail.com]

❖ Ander gelegitimeerdes wat beskikbaar is om eredienste te lei

Gerhard Bothma [082 412 3479, gerhard@drgerhardbothma.co.za]

❖ Vakatures in Kerkbode geadverteer

Besoek: <http://kerkbode.christians.co.za/category/vakatures/>

Ten slotte

Jesus het op die rug van 'n donkie gery en mense het palmtakke op sy pad gegooi en gejuig: "Prys Hom! Loof Hom wat in die naam van die Here kom!" (Mark 11:9)



[Terug](#)

BYLAES

Algemene Sinode nuus

Verklaring van die moderamen van die NG Kerk oor gelowiges se roeping in Suid-Afrika

Maart 2018

Suid-Afrikaners is oor die afgelope jare blootgestel aan talle berigte van korrupsie, magmisbruik en swak bestuur deur die regering, staatsdiens semi-staatsinstellings en privaat sektor. Uitsprake van die Openbare Beskermer en die hofe het telkens bevestig dat die kommer en lae moraal van die Suid-Afrikaanse nasie nie sonder rede is nie. Morele verval het ook in verskeie ander oorde toegeneem. Gelowiges het oral begin bid vir uitkoms en vir morele, vaardige en toegewyde leiers wat die belange van al die burgers van die land op 'n ewewigtige wyse op die hart dra.

Die onlangse verwisseling van die leiers van die regering bied die potensiaal vir 'n nuwe begin. Groot verwagtinge is ontken, onder meer dat ons kan terugkeer na die paaie van nasionale versoening, ekonomiese ontwikkeling en 'n menswaardige lewe vir almal.

Die NG Kerk verstaan dat ons by 'n keerpunt in ons land se geskiedenis kan wees. Dit vra egter dat almal moet hande vat. Die kerk het 'n besondere verantwoordelikheid. Die kerk mag nooit sy profetiese en kritiese posisie prysgee nie. Die kerk het egter ook 'n opbouende rol om te speel. Ons moet ook bly bid vir morele standvastigheid, geregtigheid en vrede.

Die Here het nou 'n wonderlike geleentheid voorsien vir die kerk om 'n bydrae te lewer. Ons roep ons lidmate op om, as volgelinge van Christus, op alle vlakke van die regering en die burgerlike samelewing te beding vir:

- Etiese regering
- Menswaardigheid
- Geregtigheid vir almal
- Werkskepping
- Rentmeesterskap
- Ekonomiese investering
- Gesonde rasseverhoudinge
- Vrede en harmonie in 'n diverse samelewing

Die NG Kerk is verbind om in afhanklikheid van God mee te werk aan die koms van sy koninkryk en die geluk van al ons land se mense.

[Terug](#)

Verlenging van Rusoord Ouethuis na AcaDeo Kampterrein

Lewensvatbaarheidsstudie

Daar word 'n lewensvatbaarheidsstudie gedoen om Rusoord Ouethuis op Bela-Bela (Warmbad) uit te brei na AcaDeo Kampterrein (voorheen Emmarentia Geldenhuys Sending Sentrum). AcaDeo Kampterrein is geleë teen die Waterberge op die R101 roete oorkant Klein Kariba ATKV oord. Die uitbreiding het ten doel om een en twee slaapkamer woonstelle aan selfstandige bejaardes bo 60 beskikbaar te stel op 'n huur basis. **Ingesluit** by die huur is die volgende:

- Behuising is binne 'n sekerheidsgebied;
- Voorafbetaalde elektriese meters;
- Winkel op die terrein wat basiese benodigehede verkoop;
- Oop onder dak parking per woonstel;
- Vrye toegang/beweging tot die terrein van 25 Ha met 'n verskeidenheid wildsoorte; en
- Gereelde kerkdienste in 'n kerk op die terrein.

Nie ingesluit by die huur nie, maar beskikbaar teen ekstra koste is:

- Elektrisiteit deur voorafbetaalde kragmeters;
- Een gebalanseerde ete per dag teen bilikke prys;
- Haarsalon;
- Karavaan staanplekke en gastekamers vir kinders, familie en vriende wat besoek aflê;
- Gereelde besoek op die terrein van Rusoord se medies personeel; en
- Vervoer per bussie na Bela-Bela winkels op 'n gereelde basis.

Die **beoogde** prys vir die eenhede is:

- R 3 600.00 vir een slaapkamer eenhede; en
- R 4 200.00 vir twee slaapkamer eenhede.

Indien u sou belangstel of iemand ken wat sou belangstel wil ons u versoek om ons voor **30 Maart 2018** te kontak by:

Tel.	AcaDeo Kampterrein	014 736 2783
	Rusoord Ouethuis	014 736 2340
Faks.	AcaDeo Kampterrein	086 726 4799

Rusoord Ouetehuis

014 736 2332

e-pos. AcaDeo kampterein
Rusoord Ouetehuis

info@egst.co.za
anne@rusoord.co.za

Ons sien uit om meer inligting aan u oor te dra.

[Terug](#)

Bybel-Media Nuusbrief 5/2018

Die Liedboek *Standaard* en die Liedboek *Grootdruk* is herdruk en nou weer beskikbaar!

Bestel 10 of meer van enigeen van hierdie twee produkte en ontvang Woord en fees gratis.

[Liedboek van die kerk \(Standaard\)](#)

Prys: R160.00 - 622 liedere vir gebruik in eredienste, sangdienste en kleingroepbyeenkomste.

[Liedboek van die kerk \(Grootdruk\)](#)

Prys: R160.00 - 622 liedere vir gebruik in eredienste, sangdienste en kleingroepbyeenkomste.

Bestel ook jou [Jaarboek 2018](#) vandag

LW: die CD kan NIE opgedateer of gekopieer word nie.

Die Jaarboek van die NG Kerk 2018 bestaan uit inligting oor sinodes, streeksinodes, ringe, gemeentes en predikante. Die Jaarboek dien al vir 168 jaar as 'n belangrike verskaffer van inligting vir die NG Kerkfamilie. Dis gemik op predikante, Kerkkantore en lidmate.

Koop 1-3 boeke: R295.00 elk

Koop 4+ boeke: R275.00 elk

Koop CD: R225.00

Koop boek en CD: R360.00

Inligting, Navrae en Diensverskaffing:

•Skakel 0860 26 33 42 óf 021 864 8210

•Of stuur jou bestelling per e-pos na: bestel@bmedia.co.za

•Of koop met jou kredietkaart op die webtuiste: www.bybelmedia.org.za , klik dan op winkel, óf tik die produknaam in.

[Terug](#)